

德護長者經

古籍

書

下

百五十九
毀二

48371



元祐六年二月日重脩

皇圖聖圖 帝漸銀昌

佛日增輝 轉輪常轉

山城州天安寺法金剛院置

藏

藏

佛說德護長者經卷下

隋天竺三藏法師那連提耶舍譯

毀

尔時北方過三千大千世界微塵等佛刹有
佛國土名曰炎光佛号德藏峯奮迅王如來
多陀阿伽度阿羅訶三藐三佛陀現在說法
彼佛世界有菩薩名盧舍那放大光明復有
一万菩薩同号盧舍那放大光明一
各與阿僧祇菩薩以為眷屬恭敬圍遶向娑
婆世界所經諸國放諸沉水清淨香炎其香
普薰各過十方諸佛世界十阿僧祇倍遍滿
世界出過一切天人莊嚴為見佛故為供養故
為見月光童子故為愍德護長者故來至佛所

亦時東北方過三千大千世界微塵等佛刹
有佛世界名一切寶莊嚴佛号法自在王如
來應供正遍知明行足善逝世間解無上士
調御丈夫天人師佛世尊現在說法彼有菩
薩名離障礙神通復有一万菩薩同号離障
礙各與阿僧祇菩薩以爲眷屬恭敬圍遶向
娑婆世界所經諸國以十千万劫清淨善根
所成就聲讚嘆一切諸佛興大法雲雨衆法
雨至於佛所爲見佛故爲供養故爲見月光
童子故爲愍德護長者故來至佛所
亦時東南方過三千大千世界微塵等國土
有世界名普莊嚴彼刹有佛号離障礙光炎

如來應供正遍知明行足善逝世間解無上
士調御丈夫天人師佛世尊現在說法彼有
菩薩名普光清淨月復有一萬菩薩同号普
光清淨月一一菩薩各與百千萬菩薩以爲
眷屬前後圍遶向娑婆世界所經諸國放雜
寶光明莊嚴色以金寶鈴網彌覆充滿一切
虛空其聲微妙如百佛聲爲見佛故爲供養
故爲見月光童子故爲愍德護長者故來至佛
所尔時西南方過三千大千世界微塵等國土
有世界名金網覆彼世界有佛号勝行王如
來應供正遍知明行足善逝世間解無上士
調御丈夫天人師佛世尊今現在說法彼有菩

薩名濡聲自在復有一万菩薩同号濡聲自
在各與阿僧祇菩薩以為眷屬往娑婆世界
所經諸國興寶傘盖雲充滿虚空一一菩薩
各將傘盖一一寶盖以真珠為垂露清淨分
明如佛光明為見佛故為供養故為見月光
童子故為愍德護長者故來至佛所

尔時西北方過三千大千世界微塵等佛刹
有世界名曰普入佛号無礙月如來應供正
遍知明行足善逝世間解無上士調御丈夫
天人師佛世尊今現在說法彼有菩薩名無
量音樂聲復有一万菩薩同号無量音樂聲
與無量阿僧祇菩薩以為眷屬恭敬圍遶向

娑婆世界所經諸國一一菩薩於一一毛孔
出阿僧祇音樂之聲歌誦一切佛法為見佛
故為供養故為見月光童子故為愍德護長
者故來至佛所

尔時下方過三千大千世界微塵等佛刹有
佛世界名寶蓮華善住佛号一切衆生世燈
如來應供正遍知明行足善逝世間解無上
士調御丈夫天人師佛世尊彼有菩薩名普
雲德復有一万菩薩同号普雲德一一菩薩
各與阿僧祇菩薩以為眷屬恭敬圍遶向娑
婆世界所經諸國興寶蓮華雲雨種種無邊
色華莊嚴阿僧祇佛刹為見佛故為供養故

爲見月光童子故爲愍德護長者故來至佛所
尔時上方過三千大千世界微塵等佛刹有
佛世界名雜華幢彼佛号曰雜寶奮迅王如
來應供正遍知明行足善逝世間解無上士
調御丈夫天人師佛世尊今現在說法彼有
菩薩名見者不空復有一万菩薩皆同一号
一一菩薩各與阿僧祇菩薩以爲眷屬恭敬
圍遶向娑婆世界所經諸國興栴檀味香雲
雨雜味香充滿阿僧祇佛刹爲見佛故爲供
養故爲見月光童子故爲愍德護長者故來
至佛所如是一切方及非方無量勝身菩薩
各從國土佛刹中來現大威德光明色像而

來集會從耆闍崛山上至有頂及三千大千
世界悉皆照耀是諸菩薩莊嚴成就菩薩行
清淨光明照耀心無所住於不可思議阿僧
祇佛刹能過於諸佛所淨修梵行增長願智
方便智不可思議三昧常不退轉若有見聞
此諸菩薩及親近者皆悉不空

尔時世尊見十方諸大菩薩與阿僧祇菩薩
眷屬各從佛刹來集此已即解加趺坐為欲
往到德護大長者家故應時三千大千世
界六種十八相動動遍動等遍動涌遍涌等遍
涌吼遍吼等遍吼覺遍覺等遍覺震遍震等
遍震起遍起等遍起是時有阿僧祇蓮華從

地涌出阿僧祇香阿僧祇光阿僧祇炎阿僧祇寶華鬘阿僧祇摩尼雜寶華臺阿僧祇毗盧遮那藏阿僧祇德色不可盡尔時世尊跏寶華上正理衣服以神通力化作百千萬億蓮華葉從地涌出種種雜色青琉璃德藏為莖甘露味寶為鬚正摩尼藏寶為華臺龍堅旃檀那香光出百千炎如是蓮華次第行列從耆闍崛山至於德護大長者家寶華遍覆悉皆充滿復以神力一切身分普放光明遍照東方一切佛刹如是南西北方四維上下一切佛刹光明照曜亦復如是此王舍城一切宮殿一切屋舍

城壁內外街陌垣墻乃至床下悉皆照曜一切人民所未曾見。爾時如來與大菩薩衆大阿羅漢等前後圍遶恭敬侍立。遍滿虛空。跏寶蓮華。從耆闍崛山下入王舍城。至德護長者大長者家。當佛下時。阿耨達多龍王與無量種色龍子。其數五百及無量百千龍王。放無量香雲雨。無量香雨。侍從如來。爾時四天王侍引。世尊復雨無量寶雲雨。灑散道間。於路兩邊皆作七寶欄楯。種種莊嚴。悉皆充滿。如是等一切天王。一切龍王。一切夜叉王。一切捷閻婆王。阿修羅王。迦樓羅王。摩睺羅伽王。緊那羅王。梵天。大梵天。不壞梵天。無量

千万那由他眷屬恭敬圍遶歌頌讚嘆實讚
嘆最實讚嘆不顛倒讚嘆無二讚嘆勝讚嘆
最勝讚嘆歡喜讚嘆如佛法讚嘆作如是等
讚嘆遍滿虛空復以如是等恭敬供養勝供
養最勝供養阿僧祇供養出阿僧祇供養飛
騰虛空隨侍如來入王舍城至長者門門四大
天王阿修羅王夜叉王等亦從王舍大城步
路立侍至德護長者大長者門尔時月光童
子見佛光明及大神通乃至大地十八相動
生大歡喜心意怡悅諸根快樂遍身滿足生
歡喜已登七重樓上合十拍掌而向父所即
說偈言

佛捨加趺坐

引發欲來時

無畏如師子

今來已此至

此來那羅延

難壞兩足尊

破魔及眷屬

起彼菩提樹

此來如金剛

一切不能壞

而能壞一切

邪見諸外道

譬如大力士

能壞諸怨敵

貢高諸煩惱

慈悲能散滅

此來難破壞

摧彼自超勝

智慧大導師

能救濟一切

此來不可殺

諸火所不燒

如來已離死

眾毒不能害

此來大丈夫

能教大導師

三界最勝身

一切無能及

圓肩聰叡者

及慈悲聖眾

一切眾生理

最勝無能及

眾色相具足

八十種莊嚴

身光悉照曜

調伏淨無漏

此乘虛空來

離罪無取著

不任雜覺觀

常任真實道

此從無盡來

能廣說諸法

不思議法輪

種種差別知

此來一切智

能覺一切法

十力大悲等

安任四辯才

此來見不空

能與眾安隱

無量億万劫

難聞況得見

此來調伏龍

丈夫人師子

愍眾不思議

行成無量劫

此來自在者

眾生無能遮

大慈悲導師

能滿求者願

此來善知識

任法界最勝

無邊如虛空

一念覺諸法

此來離二者

到諸法彼岸

於無相地中

最上勝覺來

此來能淨施

財及法二種

宿世捨身命

憐愍眾生故

此來導師者 與一切安隱 無量劫修行
為求菩提故 平等大智心 法中常勝修
怨親等無二 心淨無分別 如師子奮迅
神力度衆生 於諸無量刹 光明悉遍照
積劫常讚嘆 如來之功德 一毛不可盡
何況一切身

余時月光童子妹月上形容端正聞月光童子說偈讚佛身心歡喜又見如來光明晃曜大神通力大地震動心歡喜故合十指掌向其父前復說偈言

如兄月光讚 如來諸功德 一切世間無
願父當信佛 莫信外道語 心常懷瞋妬

於十力生惡

惡覺失善心

不知佛法故

聞說不信受

為惡失善道

對佛不能說

受彼邪見言

當墮諸惡道

嫉妬癡濁故

則失於善心

惡見三毒緣

如是貪增長

顛倒癡心故

遠離諸佛法

無量千萬劫

難得聞佛名

父應於佛所

深生清淨信

若能稱佛名

此人尚難見

何況見佛身

是故父應信

如所說導師

現無量神通

放無量炎光

此人今已來

如上之所說

那由他刹動

無量諸佛子

愍眾故來此

彼彼十方來

難壞如師子

諸天人龍等

歡喜雨眾華

尔時長者女德生見地大動及大神通大光明炎雜色分明見已歡喜踊躍無量以其衣
袂盛滿雜華疾至父所合十拍掌以大信心
大歡喜心向父說偈

父今信外道

此心最大惡

墮在邪惡中

常不信佛法

推人入惡趣

遮閑人善道

此常不調伏

失佛功德利

佛如優曇華

設行百千劫

尚難得聞名

何況能得見

父今信外道

起二心請佛

今已得聞見

不應起惡念

亦莫生濁心

及以殺害想

常生清淨信

於佛生歡喜

佛神力難思

普覆十方界

佛子月形面

龍神夜叉等

一切咸恭敬

信心禮敬佛

以曼陀羅華

散佛及大眾

佛弟子心喜

邪眾心迷濁

佛日照外道

如日蔽螢光

此勝願大人

禮拜難見佛

見無量眷屬

圍繞釋迦尊

勝智清淨智

外道不能壞

蓋雲旃檀雲

種種雜莊嚴

尔時月光弟智堅童子已曾過去供養諸佛
種諸善根於諸佛所淨修梵行時彼童子夢
中見佛大神通力從耆闍崛山下欲入王舍
城大地震動即便覺寤著衣整服疾至門下
生大歡喜還詣父所而說偈言
我夢中見佛 於此一念間 從於耆闍崛

最大山崗下

不思議大力

菩薩衆圍遶

各從諸刹來

法界差別知

一一菩薩衆

無量衆圍遶

各各地中住

彼名不可聞

大智大菩薩

名曰離垢光

爲諸佛導師

持七寶傘蓋

彼出妙音聲

聞者皆愛樂

亦復能遍覆

十方無量刹

我見彼世尊

能破諸闍諍

從夢覺寤已

即便至父所

父今當信佛

棄捨癡外道

彼令人心惡

應當速遠離

設有世界火

充滿十方界

不能燒佛衣

何況如來身

設有諸毒藥

充滿百千刹

不害佛弟子

何況於如來

佛於一切毒

遠離中第一

不念毒自消

何況念不滅

一切智善調

今來王舍城

不思議菩薩

俱到於彼岸

於一切三世

或聞或見形

悉能施安隱

是故父當信

此來見不空

父應當供養

佛放無量光

能除此邪闇

此光照天人

修羅龍夜叉

及其諸眷屬

見者皆不空

一切熱地獄

悉皆得清涼

地獄中衆生

除熱心歡喜

梵天及天主

身皆放香雲

猶如雜綵蓋

莊嚴在虛空

此來心無礙

如龍勝導師

能興捨施雲

雨種種雜寶

微妙寶瓔珞

栴檀及傘蓋

遍覆於虛空

及十方世界

此來能分身

神通到彼岸

種種差別知

能讚嘆諸佛	無量僧祇天	及此城勝人
聞佛大名号	悉來至佛所	象出歡喜聲
師子亦如是	放蕩諸牛王	出聲亦復然
畜生聞佛名	皆發歡喜心	父是人為勝
云何而不信	千方那由他	無量諸音樂
及寶瓔珞器	不鼓而自鳴	無量種畜生
於無等十力	捨離惡毒心	生歡喜淨信
能壞鬪諍魔	調伏大寂滅	忍辱到彼岸
慈心廣怜愍	悲心到彼岸	能救諸眾生
捨種種布施	能發菩提心	父當信釋迦
超過世間岸	能放十方光	眾生離八難
具彼多神力	三世不可量	遊行如師子

智慧到彼岸

智住如須弥

常放於寶光

佛子諸眾等

前後而圍遶

示現諸神通

來至王舍城

種種雜妙寶

裝校而莊嚴

天龍夜叉眾

修羅百千億

合掌恭敬禮

釋迦牟尼尊

調伏今在門

足踏門闥時

盲者得見色

聾者得聞聲

苦者得安樂

病者得除愈

妊身產苦者

安隱得免難

寶藏悉皆得

貧者獲富饒

清淨佛神通

一切皆歡喜

城中一切地

眾寶悉遍滿

可愛寶莊嚴

其色甚威曜

調伏巷中行

父當起迎接

廡廊重樓閣

男女皆充滿

以衣盛香華

及諸寶瓔珞

清淨歡喜心

以散釋迦牟

國王名先尼

從六万婁女

各執諸雜寶

供養於如來

衣盛寶瓔珞

及諸妙香華

亦起歡喜心

以散於佛上

智慧人滿巷

信樂求功德

踊躍心歡喜

頂禮佛世尊

佛從巷而來

百千億衆生

合掌心歡喜

一切皆禮拜

下遍一切世

上至於有頂

十方一切刹

天人雜衆滿

種種雜類人

供養於如來

一切皆歡喜

清淨心禮佛

外道勝論師

頂禮世尊足

以上歡喜心

最勝淨信心

合掌讚嘆佛

善哉佛出世

大智一切智

已到於彼岸

父應生歡喜

共往如來所

取上寶衣服

供養於如來
信佛世中勝
調伏衆生者
皆悉能除滅
今來在門外
優鉢拘物頭
龍神等眷屬
此導師智幢
達到於彼岸
父當歡喜信
爲衆修苦行
欲修福業者

除於疑惑心
禮拜牟尼王
能覆護衆生
如是大導師
火坑當自滅
波頭分陀利
散種種雜華
威光難覩見
知三世心業
難見難聞者
具足諸功德
此福田最勝

嫉妬諸惡見
父今應當知
一切罪惡心
以憐愍父故
出種種蓮華
諸天及世人
充滿遍施地
一切智知見
上中下差別
無量僧祇劫
永除一切罪
憐愍衆生故

應現處於世

不為求衣食

及顯已智慧

但以大慈悲

憐愍父故來

知父生惡心

為彼惡見覆

欲令得解脫

捨離殺害業

佛於諸衆生

一切皆平等

無有揀擇念

亦無怨親想

如來真智慧

永離諸諂曲

父應生淨心

尊重而禮敬

佛寶世中勝

悉吐諸惡見

父能歡喜信

疑網畢竟除

以信如來故

不墮諸惡道

佛能淨五根

應當速禮敬

三世大導師

佛子衆圍遶

種種地中住

無障礙智行

此一切智子

遶如來照曜

如日蔽衆星

是故應敬禮

父見佛神力

火坑水盈滿

種種蓮華出

心生大歡喜

見是諸變已

願看子月光

汝是我導師

憐愍我來生

我信外道故

心常懷毒害

我今敬信佛

悉捨諸惡見

此兒我知識

難可得值遇

勸我敬信佛

轉生大歡喜

余時天帝釋

及大自在天

此二大天王

為佛莊嚴座

八十千億天

以衣覆寶座

令一切智坐

顯發而照曜

梵天王禮已

為佛持寶蓋

閻浮檀真金

雜寶而莊嚴

及餘諸天等

合掌禮於佛

散百種雜華

及赤旃檀末

長者見佛已

其心大歡喜

八千諸女人

得清淨智慧

有五百童子

及五百童女

見佛神通力

皆發菩提心

無量百千億

那由他天子

見佛神通力

得清淨智慧

長者懷憂惱

心生大慚愧

即便禮佛足

向佛而懺悔

此食雜毒藥

今欲更辦供

唯願佛世尊

留神小停住

如來妙梵聲

告德護長者

如來一切智

能却一切毒

貪瞋癡三種

及世間毒藥

如來真實說

我已久遠離

貪瞋癡三種

及世間毒藥

離毒清淨法

實語皆遠離

貪瞋癡三種

及世間毒藥

離毒清淨僧

實語皆遠離

佛說此語時無量諸天出大聲言清淨大智

已離眾毒火坑皆滅家內清淨如本無異皆

是法王威神力故時德護長者即於佛所生
大信心以上妙衣價直百千萬億覆佛身上
覆已白佛言世尊我本愚癡受六師教今於
佛前至心懺悔由父昔世敬信外道我順父
故作如是罪今因月光令我信佛我今慙懃
至心懺悔更不作罪願佛救我亦時色界諸
天復出大聲散天優鉢羅華波頭摩華拘物
頭華分陀利華曼陀羅華摩訶曼陀羅華遍
滿其地積至于膝長者白佛言世尊我子月
光於千萬億劫難可值遇憐愍我故來生我
家善爲我說諸佛功德於千萬劫恩難可報
復以無價真珠瓔珞而散佛上亦時世尊爲

德護長者深生信故以神通力出百千万雜

寶色雲彼時盧紇多輸譯云赤馬毗桎邏莎亦是

神名以種種雜色寶華光明照曜散於佛上阿

僧祇菩薩作無量神通到於佛前為欲教化

百千万億諸衆生故時德護長者及月光童

子并德生童子等心生歡喜禮敬佛足至心

懺悔作如是言嗚呼奇哉釋迦如來神通變

化不可思議於百千万劫難可得見況生淨

信無量億劫佛世難值此兒月光有大智慧

曾見十方無量億佛遊於一切諸佛世界稽

首歸命禮拜於佛如釋迦如來見十方佛月

光童子亦復如是能見十方諸佛接足敬禮

於諸佛所聞法不忘

尔時如來見德護長者家內眷屬男女大小
及月光童子於三寶所已生正信禮拜讚嘆
廣種善根增益心行即便微笑如諸佛法從
其面門出無量千萬種雜色光炎口四十齒
及以四牙一一皆放無量千萬億光明青黃

赤白紫玻瓈色其光普照東方一切佛刹如
是南西北方四維上下光明遍照亦復如是
光照已遶身三帀還從頂入尔時離攀緣德
菩薩從坐而起偏袒右肩右膝著地合掌向
佛自言世尊如來以何因緣作是微笑諸佛
不以無因緣而笑尔時世尊告離攀緣德菩

薩言善哉善哉善男子汝能問佛如是因緣
汝已曾於過去無量千萬億劫常問此義汝
今承佛威神力故能問此義善男子汝今至
心諦聽當為汝說善男子汝今見此德護長
者大見月光童子不唯然已見佛言此童子
者能令未信衆生今生淨信未調伏者能令
調伏未成熟者能令成熟於其父所作善知
識何以故能以導師法教化其父安置無量
千万那由他阿僧祇衆生於佛法中今生信
心必定阿耨多羅三藐三菩提又此童子我
涅槃後於未來世護持我法供養如來受持
佛法安置佛法讚嘆佛法於當來世佛法末

時於閻浮地脂那國內作大國王名曰大行
能令脂那國內一切衆生信於佛法種諸善
根時大行王以大信心大威德力供養我鉢
於卅數年我鉢當至沙勒國從卅次第至脂
那國其大行王於佛鉢所大設供養復能受
持一切佛法亦大書寫大乘方廣經典無量
百千億數處處安置諸佛法藏名曰法塔造
作無量百千佛像及造無量百千佛塔今無
量衆生於佛法中得不退轉得不退信其王以
是供養因緣於不可稱不可量無邊際不可
說諸佛所常得共生於一切佛刹常作轉輪
聖王常值諸佛於一切佛法僧供養恭敬尊

重讚嘆造立塔寺一切樂具悉以奉施經半
壽已棄捨五欲捨家出家淨修梵行行法供
養閻浮提內一切男女見王出家亦隨出家
淨修梵行此大行王無量菩薩勝願成就大
神通成就於不可數劫行菩薩行一一劫中
所化衆生不可稱數不可說不可量悉皆安
任於佛法中如一劫中所化衆生一切劫中
亦復如是此菩薩如是安任無量無邊不可
說衆生任佛法已於最後身當得作佛号離
垢月不動無障礙大莊嚴如來應供正遍知
明行足善逝世間解無上士調御丈夫天人
師佛世尊出現於世世界名曰無障礙其佛

身廣大無量光明無量光炎無量神通力無
量說法無量徒衆無量轉法輪無量身相教
化無量衆生彼佛欲入涅槃時授德護長者
記當得作佛号無等身如來應供正遍知明
行足善逝世間解無上士調御丈夫天人師
佛世尊德護長者家內眷屬見我神變發菩
提心者皆於彼劫各各名号次第作佛天龍
夜叉捷闍婆阿修羅迦樓羅緊那羅摩睺羅
伽人非人等見我於德護長者家現神變時
發菩提心者皆於阿耨多羅三藐三菩提不
退轉於十方界各各刹各各名号皆得成佛
如是善男子此月光童子已於過去無量阿

僧祇劫教化德護長者此童子及德護長者
於當來世常生有佛世界教化無量衆生說
此月光童子及德護長者授記因緣時無量
世界地六種動大光普照雨衆天華雨衆天
寶雨天瓔珞雨天寶蓋雨衆天衣雨天旃檀
末香雨天沉水香雨天多伽羅香雨天優鉢
羅華雨天波頭摩華諸天音樂出微妙聲及
以諸天歌詠等聲如此一切皆是佛神通力
亦是月光宿世善根力爲化德護長者及眷
屬故亦化天龍夜叉捷闍婆阿修羅迦樓羅
緊那羅摩睺羅伽等故今時德護長者長者
家人名德見佛種種神力亦見天龍八部與

大供養向佛說偈讚歎佛曰

南無大智佛 釋師子如來

而得大利益 先信於外道

今信於世尊 得如是大利

其誰不信佛 如是重罪人

一心恭敬信 出世勝導師

不墮諸惡道 長者造大罪

以信心因緣 如來與授記

心生大愁惱 今得信心已

心中除惡見 一切罪皆懺

而作清淨心 一心信佛故

來世當作佛 不思議法王

若能生信心

而造諸惡業

見斯不思議

佛力故生信

無量百千劫

今得淨信心

長者自知罪

得無量福德

於佛世尊所

以是信因緣

初於佛生惡

而今深生信
於佛生信者
不可得稱量
布施因緣故
一切信此人
得清淨業
彼人福德聚

尔時長者德護頭面禮佛及一切阿羅漢一
切菩薩衆已次第行百味飲食尔時世尊說
此法已離攀緣德菩薩月光童子并長者德
護長者内外眷屬大菩薩衆及天龍夜叉捷
閻婆等一切大衆皆大歡喜作禮奉行

佛說德護長者經卷下

毀

儒字軟傘盖上音瓊莫班莖戶耕為鬚下音垣

墻

上音

音表

一音

九

攔

楯

下時

尹反

怡

悅

之反

山

崑

音

也

和

也

聰

穀

聖也

明也

也

穢

衣襟也

也

推

人

回反

山

崑

音

下

音

門

闌

門限也

苦本反

反

妊

身

懷子也

而

禁

反

廡

廊

音

武

堂

下

簡

擇

上今之

紇

胡骨

毗

桎

一丁反

知

邏

莎

音

音

上

郎

賀反

和

反

素

和

反

紇

胡骨

毗

桎

一丁反

知

邏

莎

德護長者經卷下

